



Cumün d'Ardez

Radunanza cumünala nr. 30/07 dals 11-12-2007

Preschaints: 70 votants e votantas

S-chüsats: sar Men Janett
sar Andri Marighetto
sar Armon Schlegel

Scrutinaduors: sar Josef Raffainer
sar Jon Andri Huder

Tractandas:

1. Approvaziun dal protocol dals 27-08-2007
2. Revisiun parciala dal reglamaint dal provedimaint d'aua dal cumün d'Ardez a regard ils attachs da üert cun trattamaint da la proposta d'iniziativa e da la cuntraproposta da la suprastanza 347
3. Dumonda da credit da frs 179'000.00 per la part da la chanelisaziun da la zona Sassagl 348
4. Dumonda da credit da frs 564'000.00 pel schlargimaint da la rait electrica cun nouva staziun da transfuormatur i'l quartier Curtinatsch 349
5. Dumonda da credit da frs 60'000.00 per la progettaziun da l'ouvra electrica cun aua da baiver Muntatsch 350
6. Dumonda da credit da frs 11'000.00 per l'ingluminaziun da la via da la Staziun fin l'hotel Aurora 351
7. Orientaziuns e varia

1. **Approvaziun dal protocol dals 27-08-2007**

La radunanza cumünala approva il protocol dals 27-08-2007 unanimamaing.

PROVEDIMAIN D'AUA

39.

2. **Revisiun parciala dal reglamaint dal provedimaint d'aua dal cumün d'Ardez a regard ils attachs da üert cun trattamaint da la proposta d'iniziativa e da la cuntraproposta da la suprastanza** 347

Il capo orientescha a regard la basa legala, decisiuns da la suprastanza cumünala e dal proceder per l'execuziun da las decisiuns.

Cun chartas dals 31-08-2006 in tuot las chasadas sun gnüdas dattas las seguaintas pussibilitats per cha las prescripziuns dal reglamaint existent vegnan resguardadas:

- müdar l'attach da üert "davant il contadur" e far quel davo il contadur
- laschar l'attach da üert davant il contadur e muntar ün suotcontadur (per spargnar taxas da sarinera)
- oblig per attachs externs da muntar ün contadur pro la serra o spigna

Da 57 proprietaris cun attachs davant il contadur han 28 fat il müdamaint pretais.

Pendants sun amo stats 16 attachs cun müdamaint intern simpel. 4 attachs chi d'eiran amo da sclerir e 9 attachs da üert vi dal condot principal e lingia privata externa.

Als 16 proprietaris dals attachs cun müdamaint intern simpel sun als 11-05-2007 gnüdas scrittas disposiziuns cul termin d'execuziun dals 30-06-2007.

Als proprietaris dals 4 attachs chi d'eiran amo da sclerir ed a quels dals 9 attachs vi dal condot principal e lingia privata nu sun gnüdas scrittas ingünas chartas, causa chi d'eiran da sclerir amo details per l'execuziun.

Als 14-06-2007 es entrada l'iniziativa cun 72 suottascripziuns. Quella ha fermà tuot il proceder previs da la suprastanza.

Motivaziuns da la suprastanza per masüurar l'adöver effectiv:

- per la suprastanza sun ils müdamaints interns almain cun ün suotcontadur ün oblig per pudair schoglier l'intent principal d'avair üna masüraziun da l'adöver tenor il reglamaint
- a regard ils attachs da üert externs vi da la lingia principala o privata vaiva la suprastanza fingià avant l'iniziativa l'intenziun da trattar amo otras soluziuns, quai chi'd es gnü fat e chi vain uossa preschantà
- il böt principal da la suprastanza es stat da prüma davent d'avair üna masüraziun da l'adöver in m3 e tras quai üna controlla buna eguala e güsta per tuots proprietaris chi han ün attach vi dal condot d'aua

Il quint dal provedimaint d'aua sto esser, tenor ledscha superiura egualisà. l' preventiv 2008 esa previs da redublar las taxas d'adöver ed eir là resta amo ün manco da frs 65'000.00. Eir quai sun argumaints per avoir controlla dal adöver.

Il capo dumonda la posiziun dal comité d'iniziativa davo la sezzüda insembel cun la suprastanza e dà il pled al comité d'iniziativa. Sar Lüzzi Koch sco rapreschantant dal comité d'iniziativa piglia seguaint posiziun e declera ils motivs dals iniziants:

- il procedere da la suprastanza cumünala nu es stat güst
- in radunanza cumünala vaiva dit il capo chi vegna scleri a reg. taxa frs 100.00
- la radunanza cumünala ha approvà i' l' ultim temp gronds credits
- chi s'haja adüna be da pajar
- la prontezza da pajar mincha m3 aua es avantman
- bliers abitants spordschan cul üert ün imbellimaint dal cumün e la vöglija da far quai es avantman
- per l'ögl es ün üert alch bel ed ün inrichimaint dal cumün
- id es gnü masürà la quantità d'aua (60 buschins (12m3) = frs 6.00)
- il consüm d'aua cuosta damain sco il contadur ed il fit dal contadur
- per la gliued veglia esa üna schicana da stuvair montar e demontar ün contadur

Il capo fa attent cha illa sezzüda cumünaivla da la suprastanza e'l comité d'iniziativa as vaivan ils preschaints declarats pronts da sustgnair la cuntraprosta da la suprastanza:

Aint il protocol suottascrit da 2 rapreschantants dal comité staja scrit: *“Scha'l text da l'aggiunta per la revisiun parziala dal reglamaint cuntegna ils puncts discussiunats po il comité d'iniziativa sustgnair quella eir a man da la radunanza cumünala.”*

Il rapreschantant dal comité d'iniziativa orientescha, cha las discussiuns cun oters iniziants hajan dat andit da müdar idea.

Proposta da l'iniziativa:

La proposta d'iniziativa ha il böt d'evitar müdamaints dals contadurs existents e da pussibilitar per attachs da üerts sper chasa, permiss chi saja contribui la taxa d'attach tenor art. 19 dal reglamaint, eir taxas pauschalas.

Pel consüm d'aua da üerts sper chasa dess gnir prelevada üna taxa pauschala annuala.

Quista taxa pauschala annuala da consüm dess gnir missa in quint cun frs 25.00. In quist sen es formulà il text d'iniziativa sco aggiunta dal reglamaint existent.

Cuntraprosta da la suprastanza:

La taxa da consüm d'aua (consüm effectiv) dess restar.

In cas excepziunals (bavraduoiras in stallas, attachs externs existents d'üert) po gnir installà ün contadur chi po gnir, sch'el es extern, demontà sur inviern. Quel sto gnir retrat e cumprà dal cumün. Ils cuosts da cumprita da quist contadur importan ca. frs

100.00. La taxa (fit) annuala pel contadur da frs 25.00 scrouda. L'installaziun e'l mantegnimaint es chosa dal proprietari. La montascha es simpla.

I vain preschantà dal schef infrastruttura ün contadur d'aua chi po gnir, sch'el es montà extern, demontà sur invern. El motivescha las cundiziuns fattas illa cuntraproposta da la suprastanza e fa attent a l'adozzamaint da las taxas chi sto gnir fat.

Schi vess da gnir in dumonda üna taxa pauschala fa la suprastanza la proposta da fixar ün import annual da frs. 135.00 quai correspuonda a bognar il üert d'ürant la stagiun da stà mincha 2 dis ün'ura.

In üna discussiun animada vain trattà specialmaing la taxa d'adöver pauschala. La proposta da la suprastanza vain critichada ed es tenor avis dals iniziants mass'ota. I vain fat la proposta da far la votumaziun per scrutin. Quella vain acceptada da la radunanza tenor constituziun
Il capo metta la cuntraproposta da la suprastanza e la proposta d'iniziativa in votaziun.

Decisiun: La radunanza cumünala approva cun 41 a 28 vuschs la proposta dals iniziants.

La proposta resultada pro la votaziun ha da gnir approvada, tenor constituziun, da la radunanza. Il capo preschainta quella e tilla metta in votaziun.

Decisiun: La radunanza cumünala accepta cun 36 a 17 vuschs l'iniziativa inoltrada e l'aggiunta al reglamaint existent i'l sen da l'iniziativa. Retgnü la vusch han 6 votants.

Votaziun a regard la taxa d'adöver pauschala annuala:
Propostas: frs 25.00 / frs 135.00 / frs 45.00
Il capo metta las trais propostas in votaziun eventuala.

1. Votaziun: frs 25.00 cunter frs 135.00

Decisiun: La radunanza cumünala approva cun 35 ad 11 vuschs la proposta da frs 25.00.

2. Votaziun: frs 25.00 cunter frs 45.00

Decisiun: La radunanza cumünala approva cun 32 a 25 vuschs la proposta da frs 25.00.

CHANALISAZIUN**23.****3. Dumonda da credit da frs 179'000.00 per la part da la chanalisaziun da la zona Sassagl 348**

Sar Chasper Alexander Felix dal büro d'indschegner Caprez SA orientescha: Per l'on 2008 es previs, quai eir tenor las trattativas cun l'uffizi chantunal, da fabricar la part da la chanalisaziun da Sassagl. Causa la ledscha da protecziun da las auas, il plan d'avertüra general e causa trattativas cullas instanzas chantunales es il cumün oblià da fabricar per la zona Sassagl üna chanalisaziun cun attach vi da la sarinera. Previs es da metter aint ün büschen simpel, voul dir be per l'aua suos-cha. L'aua netta va sco fin uossa davu l'aua. Il credit es büdschettà pel 2008. Ils cuosts importan frs 179'000.00. La suprastanza cumünala propuona d'approvar il credit manzunà.

Decisiun: La radunanza cumünala approva il credit da frs 179'000.00 per la part da la chanalisaziun Sassagl unanimamaing.

PROVEDIMAIN D'ENERGIA**08.****4. Dumonda da credit da frs 564'000.00 pel schlargimaint da la rait electrica cun nouva staziun da transfuormatur i'l quartier Curtinatsch 349**

Sar Chasper Alexander Felix dal büro d'indschegner Caprez SA orientescha: Avant 21 ons es gnü cumanzà cun la planisaziun dal plan da quartier Curtinatsch. Il proceder da publicaziun es gnü fat cun la revisiun da la planisaziun e la suprastanza ha decis als 06-02-2007 l'avertüra dal quartier. Pel on 2008 es previs da cumanzar cullas lavuors da l'infrastructura. In schner – favrer vegnan fattas las submissiuns. In avrigl 2008 esa previs da cumanzar cul fabricat. Tuot l'infrastructura vain preschantada cumplettamaing. Tenor plan d'avertüra e scumpart da cuosts dal quartier Curtinatsch han ils proprietaris dal terrain da surtour ils cuosts da perimenter per las lingias d'aua netta e l'aua suos-cha, büschens vöds per l'electric ed ils attachs da telefon. Il preventiv per quistas lavuors s'amunta a frs 750'000.00. La prefinanziaziun vain fatta dal cumün ed inchaschada dals proprietaris dal terrain. Ils cuosts dal schlargimaint da la rait electrica culla nouva staziun da transfuormatur vegnan surtuts tenor reglamaint dal OEE dal cumün. Quels importan per la part süd dal quartier frs 564'000.00. Il transfuormatur nouv es previs da fabricar al lö da la chamonna da tir existentia. L'import es büdschettà pel 2008. La suprastanza cumünala propuona d'approvar il credit manzunà.

Decisiun: La radunanza cumünala approva il credit da frs 564'000.00 pel schlargimaint da la rait electrica cun nouva staziun da transfuormatur unanimamaing.

Implants pel provedimaint d'energia electrica**08.04****5. Dumonda da credit da frs 60'000.00 per la progettaziun da l'ouvra electrica cun aua da baiver Muntatsch 350**

Il schef infrastructura orientescha cha l'offerta per la lavur da progettaziun dal implant electric cun aua da baiver Muntatsch e las masüraziuns es avantman. Quella importa (cun tet da cuosts) frs 60'000.00. L'import es büdschettà pel 2008. Las differentas lavuors vegnan, tenor decisiun da la suprastanza, surdattas dal tuot pür

al mumaint cha pro üna prüma fasa da progettaziun vain visibla üna relaziun da nüz e cuosts acceptabla.

La suprastanza cumünala propuona d'approvar il credit manzunà.

Decisiun: La radunanza cumünala approva il credit da frs 60'000.00 per la progettaziun da l'ouvra electrica cun aua da baiver Muntatsch unanimamaing.

Inglüminaziun da las vias

08.05

6. **Dumonda da credit da frs 11'000.00 per l'inglüninaziun da la via da la Staziun fin l'hotel Aurora** 351

Il schef stradal orientescha chi saja entrada üna dumonda da 15 abitants dal quartier Ramogn per pudair inglüninar la via da la Staziun. Il motiv es cha diversas persunas chaminan sün quella via scha las vias da Ramogn o Quadras sun inglatschadas ed eir per spassegiar.

La suprastanza ha trattà la chosa ed approvà ün credit da frs 11'000.00 per inglüninar la via da la Staziun (chasa Caviezel) fin pro l'hotel Aurora. I sun previs 3 glüms novas. Alchüns votants fan attent eir sün oters lös in cumün chi stuvevan gnir inglüninats plü bain.

La suprastanza cumünala propuona d'approvar il credit manzunà.

Decisiun: La radunanza cumünala approva il credit da frs 11'000.00 per l'inglüninaziun da la via da la Staziun fin pro l'hotel Aurora cun gronda majorità.

7. **Orientaziuns e varia**

7.1 **Inglüninaziun dal Chastè**

Il capo orientescha cha per la renovaziun da l'inglüninaziun dal Chastè es gnü pretais davart dal uffizi chantunal üna dumonda per fabricats dadour la zona da fabrica (BAB). Da resguardar esa principalmaing cha l'inglüninaziun vegna fatta uschea cha'l viver dals insects nu vegna periclità.

7.2 **Demischiun dal commember da suprastanza sar Chasper Stupan**

Il schef infrastruttura orientescha ch'el nu's metta plü a disposiziun sco commember da suprastanza pel prossem bienni. Quella decisiun nu haja dachefar nüglia cun la radunanza dad hoz.

12-12-2007

In buna fai

La chanzlista:

Il capo: